



Randi Vestergaard Evaldsen
Demokraatit sinnerlugit Inatsisartunut ilaasortaataitaq

§ 37 naapertorlugu apeqqut 10/2019-imut akissut

1. Kisitsisaatigineqarnerluni nunatsinni qassit meerartaarnerup kingorna isumatsangaarnermik eqqorneqartarnerut? (Taamaassimappat ukiut qulit kingulliit ingerlanerini kisitsisit qanoq agguataagaappat)

23-01-2019
Sags nr. 2019 - 817
Akt nr. 9874077

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Akissut:

Kalaallit Nunaanni erninerup kingorna isumatsangaarnermik nappaateqalersartut qanorpiaq amerlatiginersut kisitsisaatigineqanngilaq, taama nalaataqartunik sumiissusersiniartarnermi katsorsaasarnermilu periutsit sumiiffimmit sumiiffimmut assigiinngissitaarmata.

Erninerup kingorna isumatsangaarnermik nalaataqartunut atatillugu suliniut Nuummi meeqqerisoqarfimmit 2011-mi aallartinneqarpoq. Taamaalillunilu arnanut tamanut erninerup kingorna malussaateqartunut isumatsannermillu nalaataqartunut misissortinnissamik meeqqerisoqarfik 2011-mili Nuummi neqerooruteqartarpoq. Misissuineq ingerlanneqartarpoq Edinburgh-skala tunngavigalugu apeqqutinut akissuteqarfissiaq malillugu, tamatumani 0-30 pointinik angusaqartoqarsinnaalluni. 0-8-p akornanni angusaqarnerup nalinginnaasutut isigineqartarpoq aammalu 9-12 pointinik angusaqarnermik meeqqerisumit immikkut misissortikkiartortoqartarpoq. 13 imaluunniit taakku qaangerlugit angusaqaraanni tarnip pissusaanik ilinniarsimasumit ikiorneqarnissamat neqerooruteqartoqartarpoq. Misissuinermit paasisat napparsimasut pillugit nalunaarsuiffimmi COSMIC-imi nalunaarsorneqartarput. Arnat 2015-imili misissorneqartut amerlassusiannut takussutissiaq kiisalu assigiinngissutsit immikkoortiterneqarnerat matuma kinguliani takussutissiami takuneqarsinnaapput:

Uuttuut	Amerlassusiat
0-8 pointit	533
9-12 pointit	121
13-30 pointit	101
Katillugit	757

2. Kisitsisaateqartoqarpat nunap immikkoortuini assigiinngitsuni eqqorneqarsimasut qassiuppat aamma nunap immikkoortuini pinaveersaartitsinerit/ikiorsiisarnerit assigiippat?

Akissut:

Immersugassiaq Edinburgh aammalu erninerup kingorna isumatsangaarnermik nalaataqartunik nalunaarsuinissaq eqqarsaatigalugit meeqqerivinni patajaatsunik

sulisuqarnissaq ernisussiortoqarnissarlu pisariaqassaaq kiisalu assersuutigalugu tarnip pissusaanik ilinniarsimasut katsorsorsaasussatut sulisussat pisariaqartinneqassallutik. Tamanna piviusunngortikkuminaassinnaavoq, tassa sumiiffinni amerlasuuni sulisut annertuumik taarseraattarmata amigaataasarlutilluunniit, minnerunngitsumillu tarnip pissusaanik ilinniagalinnit misissorneqarsinnaaneq nikerarsinnaalluni. Taamaattumillu nunap immikkoortuini taama nalaataqartunik sumiissusersiniarnermi sulisut atorineqarsinnaasut atorlugit ingerlatsinissamut naleqqussartoqartariaqarpoq.

3. Meerartaarnerup kingorna isumatsangaarnermik eqqorneqartut qanoq katsorsarneqartarpat, suliniutit suut atorineqartarpat?

Akissut:

Nuummi meeqqerisoqarfik arnap erninerata qaammatit marluk kingorna angerlarsimaffianut pulaarnissaanut neqerooruteqartarpoq, tamatumani erninerup kingorna isumatsangaarnermik eqqugaassinnaanermut misissuisoqartarluni. Tamatumunnga pissutaavoq aatsaat piffissap taamaalinerani pulaartoqarnerani erninerup kingorna kingunerlutsitsisoqarnerseq imaluunniit isumatsangaarnermik ilumut nalaataqartoqarnerseq nalilerneqarsinnaasarmat. Pulaarnermi immersugassiaq siuliani taaneqartoq malillugu arnaq misissorneqartarpoq. Arnaq 9-12-imik angusaqarpat meeqqerisumit alakkarneqaaqqittarpoq aamma "tusarnaariartorluni pulaarnermik" taaneqartartoq. Tusarnaariarluni pulaarnermi anguniarneqartarpoq erninerup kingorna kingunipilutsitsinerup isumatsangaarnermik nassataqartinnginnissaa. 13-inik taakkuluunniit qaangerlugit angusaqarnermi Ivaami suliniut Siusissukkut suliniuteqarneq aqutigalugu tarnip pissusaanik ilinniagalimmit ikiorneqarnissamik neqerooruteqartoqartarpoq.

Nunap immikkoortuini allani tunumilu Edinburghimik periuseq atorineqarneq ajorpoq. Tamatumunnga taarsiullugu meeqqerisup ernisussiortullu takuniaanerata aammalu angajoqqaanik oqaloqateqarneq tunngavigalugu naliliisoqartarpoq. Erninerup kingorna isumatsangaarnermik nalaataqarnermut ersiuteqarnerseq meeqqerisup ernisussiortullu assut eqqumaffiginiartarpat. Angajoqqaat ingerlalluanngitsut ernummatigineqarpat meeqqerisumit akulikinnerusumik alakkarneqartarnissamik ilaqtariit neqeroofigineqartarpat. Tamanna naammangippat sumiiffimmi assersuutigalugu nakorsamit katsorsartinnissamik periarfissaq innersuussutigineqartarpoq, nakorsarlu assersuutigalugu najukkami periarfissaqarpat ilaqtariinnik sullissivimmut aamma innersuussisinnaasarluni.

4. Angutit qassit meerartaareernerup kingorna isumatsangaarnermik eqqorneqartarpat aamma ikiorneqarnissaminnut qanoq neqeroofigineqartarpat, arnanut naleqqiullutik?

Akissut:

Angutit ernisoqarnerata kingorna isumatsangaarnermik eqqorneqartarnerseq aqqissuussaasumik misissuisoqarneq ajorpoq. Nuummi meeqqerisoqarfik pisariaqartitsisoqartillugu misissuisarpoq, assersuutigalugu angut nammineq qinnuiginnippat imaluunniit ernisoqarnerata kingorna isumatsangaarnermik eqqugaanermut ersiutaasunik nassuiaateqarpat. Meeqqerisoqarfimmut aningaasat

atorneqarsinnaasut sulisullu amerlagisassaangillat, taamaattumillu erninerup kingorna isumatsangaarnermik nalaataqarnermi neqeroorteqartarnermi arnat maannangaaq salliutinneqartarlutik.

5. Suliamut tunngatillugu Naalackersuisut allanik attuumassuteqartunik paasissutissaateqarpat?

Akissut:

Maannangaaq annertunerusumik paasissutissaateqartoqanngilaq.

Inussiarnersumik inuulluaqqusillunga

Med venlig hilsen



Martha Abelsen